



Broj:01-2-2439/14
Sarajevo, 30.06.2014. godine

MEDIJIMA

Predmet: Informacija o donošenju Odluke o privremenim mjerama za tretman kreditnih obaveza klijenata koji su pogođeni elementarnim nepogodama

Agencija za bankarstvo F BiH je na 60. sjednici Upravnog odbora održanoj 30.06.2014.godine, donijela Odluku o privremenim mjerama za tretman kreditnih obaveza klijenata koji su pogođeni elementarnim nepogodama, a u cilju ublažavanja negativnih efekata elementarnih nepogoda, te olakšavanja otplate kreditnih obaveza fizičkih i pravnih lica s područja ugroženih poplavama. Navedena Odluka je uključila veći dio prijedloga koji su dostavljeni od strane Udruženja banaka BiH, a koji se odnose na podzakonske propise za čije je donošenje nadležna Agencija. Donesenom Odlukom se definiše mogućnost moratorijuma na kreditne obaveze i restrukturiranja kreditnih obaveza.

U slučaju odobravanja i ugovaranja moratorijuma odnosno odgode plaćanja, Odlukom je definisano maksimalno vrijeme trajanja moratorijuma do 12 mjeseci (ne duže od 30.09.2015. godine), kao i maksimalna visina kamate koju banka može obračunavati za period trajanja moratorijuma. Restrukturiranje kreditnih obaveza, podrazumijeva novo potraživanje kojim su zamijenjene postojeće kreditne obaveze klijenta u banci, što može da uključuje produženje roka vraćanja glavnice i/ili kamate, smanjenje kamatne stope, otpis dijela potraživanja, kapitalizaciju kamate, odobravanje novih kreditnih sredstava da bi se sanirale štete ili nastavio poslovni proces ili druge bitne promjene kojima se olakšava položaj klijenta.

Također, Odlukom su definisani i minimalni dokumenti koje klijent mora podnijeti uz zahtjev za odobravanje moratorijuma ili restrukturiranja kreditnih obaveza.

Ured FBA za informiranje